

© 2015 Kementerian Pendidikan Singapura
© 2015 Jawatankuasa Pembelajaran dan Penggalakan Penggunaan
Bahasa Melayu

Hak cipta terpelihara. Tidak dibenarkan mengeluar cetak atau menerbitkan semula mana-mana bahagian isi kandungan buku ini dalam apa juga secara elektronik, fotokopi, rakaman atau cara lain sebelum mendapat keizinan bertulis daripada pemilik hak cipta buku ini.

Diterbitkan oleh



Ministry of Education
SINGAPORE



Malay Language Learning
and Promotion Committee

Kementerian Pendidikan Singapura
dan
Jawatankuasa Pembelajaran dan Penggalakan
Penggunaan Bahasa Melayu

Marshall Cavendish Education
Times Centre, 1 New Industrial Road, Singapore 536196
Customer Service Hotline: (65) 6213 9444
E-mail: tmesales@mceducation.com
Website: www.mceducation.com

Marshall Cavendish is a registered trademark of Times Publishing Limited

First published 2015

1965
ISBN 978-981-01-2961-3

Printed in Malaysia



ISBN 978-981-01-2961-3

9 789810 129613

1965

ditulis oleh
Siti Hana Satipan



Malay Language Learning
and Promotion Committee

SEKAPUR SIRIH




Encik Hawazi Daipi
*Setiausaha Parliment Kanan
Kementerian Pendidikan dan Kementerian Tenaga Manusia
Pengerusi, Jawatankuasa Pembelajaran dan Penggalakan
Penggunaan Bahasa Melayu (MLPC)*

Sejajar dengan matlamat pembelajaran Bahasa Ibunda ‘Pelajar Aktif, Pengguna Cekap’, salah satu saranan adalah untuk menyediakan persekitaran yang kondusif bagi pembelajaran dan penggunaan bahasa Ibunda. Banyak juga yang masih boleh dilakukan untuk menambah kepelbagaiannya bahan bacaan dan mencari cara-cara yang kreatif untuk memupuk tabiat membaca dalam kalangan murid. Oleh itu, Jawatankuasa Pembelajaran dan Penggalakan Penggunaan Bahasa Melayu (MLPC) telah mengambil inisiatif untuk menggalakkan guru-guru membina bahan bacaan yang sesuai dalam konteks kehidupan di Singapura.

Projek yang julung-julung kali diusahakan ini bertujuan untuk memupuk minat dan tabiat suka membaca bahan bacaan Bahasa Melayu dalam kalangan murid sekolah rendah. Kedua, usaha ini memperbanyak bahan bacaan yang berlatarbelakangkan Singapura supaya murid dapat didedahkan kepada sejarah dan budaya masyarakat di Singapura.

Kepada guru-guru yang telah menyumbang dalam penulisan buku cerita ini, saya mengucapkan syabas dan ribuan terima kasih atas kerjasama ini. Saya berharap agar usaha anda akan berterusan demi menghasilkan karya-karya yang dapat menyokong pembangunan murid yang cekap dan yakin dalam menggunakan bahasa ibundanya, serta bangga akan bahasa dan budayanya.



PENGHARGAAN

Para Penulis Buku (Darjah 2)




Roslie Buang Sidik	Cef Nabil
Siti Nurbayah Abdul Rahman	Coklat Kami
Hairani Asri	Aku Bangga, Singapuraku
Nirwana Haliza Mohd Halil	Saya Suka Piala Itu
Zalinah Hassan	Tiga Sekawan
Nur Namira Mazlan	Kawan Baharu Kami, Lestario
Siti Hidayah Taha	Hidup Berjiran
Shaheda Salim	Topi Datuk
Nur Wahidah Sidik	Seronok ke Ladang Ternakan
Siti Hana Satipan	1965

Pengurusan Pembinaan Buku



Sekretariat MLLPC	Rashidah Mohamed Rafei
Penasihat Projek	Farizan Mohd Amin
Konsultan	Siti Noraini Ibrahim
Editor	Haslindah Mispan
	Dr Saeda Buang
	Patimah Jaludin



1965

ditulis oleh
Siti Hana Satipan



Nabil dan Nabilah berada di rumah Datuk dan Nenek. Mereka leka dengan mainan masing-masing.





Awak lihat itu, mereka seronok bermain. Kita di sini pun mereka tidak pedulikan.

Ya, mereka seronok bermain hingga lupa kita ada di sini.

Nabil, ayuh ke mari.

Ada apa, Nek?





Sekolah Nabil tidak ada latihan sambut Hari Kebangsaan?

Tidak ada,
Tuk.

Peraduan seperti bercerita, menulis karangan atau melukis?

Di sekolah kami, ada nyanyian beramai-ramai sahaja.



Berkibar bendera kita
Putih dan merah
Bulan sabit berbintang lima
Bendera Singapura
Bendera Singapura



Lagu apa itu,
Nek?



Hmmm... lagu
'Bendera Singapura'.
Masa itu Nenek
baru menjadi guru.
Nenek ingin mengenalkan
bendera Singapura
kepada murid-murid.



Nabil dan Nabilah, jangan asyik bermain dengan mainan elektronik. Nanti kita tidak pandai berkawan, tidak tahu bergaul dengan orang.





Betul kata Nenek. Nabil
dan Nabilah juga harus
pandai memilih kawan.

Baik, Tuk.



Nenek masih ingat. Dahulu, Nenek tinggal di kampung. Nenek ada ramai kawan. Jika ada orang buang barang terpakai, Nenek dan kawan-kawan akan memungutnya.



Tin susu, tin sardin, penutup botol dan tempurung kelapa akan kamijadikan mainan.

Pasir, daun-daun dan bunga
menjadi bahan masakan apabila
kami bermain masak-masak.




Di kampung Nenek selalu banjir apabila hujan lebat. Biasanya air naik ke paras pinggang. Nenek beruntung sebab rumah Nenek rumah panggung.






Tuk, dahulu ada mainan elektronik macam tablet?

Tidak ada. Tuk dan kawan-kawan menangkap ikan, belalang dan membuat sampan.



Datuk pernah mencari ranting kayu untuk dibuat lastik. Sekarang, lastik ada dijual di kedai. Lastik-lastik ini dibuat daripada plastik.



Nek, Nek!
Marilah, tengok.

Ada apa Nabilah
terjerit-jerit?



Oh, lipas! Nabil, tangkap anak lipas itu dan buang dalam tong sampah.



Eeee, Nabil geli.

Angkat lipas pun gelisah, Nabil? Dahulu,
Datuk menangkap belalang, labah-labah
dan kumbang untuk dijadikan mainan.

Betulkah, Tuk?



**Ada bulan ada suria,
Ada kawan hidup ceria.**

